


欽定八旗通志

人物志

卷二百三十六

之三十七



欽定八旗通志卷一百三十六  
民頌焉後祀本縣名宦祠  
以上二十六人  
並舊志所載

欽定八旗通志卷一百三十六

欽定八旗通志卷一百三十七

人物志一百十七

循吏傳二  
漢軍正白旗  
漢軍正紅旗

漢軍正白旗外任官

閔三元

閔三元漢軍正白旗人世居奉天錦州府順治初

始居

京師五年以貢士選授河南鹿邑縣知縣為人廉明

有才畧時邑地新墾糧多詭寄力爲釐正由是賦役均而國課日增官署學宮皆毀於兵燹三元創立縣堂五間曰節愛堂後堂三間曰誠求堂堂之東曰琴堂堂之西曰贊政廳規模爲之一新又興起學校建明倫堂門廡墻垣規度稍備由是人文蔚起鹿邑自黃水氾濫之後舊溝淤壞三元於蒞任次年卽徧閱境內相其高下詢覽舊跡共開溝大小一百一十九道視舊溝增多四倍使潴水之

區悉達於河工程浩繁令鄉自爲督家自爲修大工成而人不知苦邑北枕渦河爲衆水之匯而黃堍寺之堤尤當其衝每一衝決則漂沒百里一邑之民命係焉三元增築黃堍寺口堤俾永無衝決之患其他抑強暴扶孤弱奸猾屏息愛民如子按驛符應付以禁騷擾置義塚以葬暴骸蒞任五年百廢俱興陞遷之日紳民遮道攀留羣爲立碑以誌不忘後崇祀本邑名宦祠

羅文瑜

羅文瑜字輝山漢軍正白旗人世居遼東廣寧中順治乙未科進士授山東曹縣知縣弱冠蒞任或疑未諳吏治未幾發奸摘伏奸宄潛踪四民安堵待士和而有禮御下寬而不縱時奉

旨丈量地畝所在驚惶文瑜立法詳密弊清而人不擾既去士民謳思豎德政碑於東門內歲時父老子弟往謁其家者絡繹不絕仕至山東濟南府知府後

崇祀曹縣名宦祠

梁鳳鳴

梁鳳鳴漢軍正白旗人康熙元年任浙江糧儲道檢舊牘見屢年漕項積逋甚多力請題蠲以甦民困徵收漕米禁苛索絕餽遺所屬便之又捐資瘞遺骸施醫藥士民感德崇祀名宦祠

王宗聖

王宗聖字象賢漢軍正白旗人康熙二年以貢士

任尤溪縣知縣時土寇作亂田野弗治宗聖爲剪  
荆棘芟草萊葺理城垣縣治譙樓以次修舉士民  
德之後崇祀名宦祠

牛鳳翔

牛鳳翔漢軍正白旗人任江西左協遊擊慷慨好  
施與士卒同甘苦平鄱陽湖寇以靖南康熙十  
四年春瑞州新昌上高諸縣爲草寇竊據鳳翔提  
軍恢復凱旋日士民遮道泣留是歲閏五月領兵

援寧州過武寧值賊圍縣鳳翔率精銳左右衝擊  
賊奔潰乘勝薄寧州遂復州城槩釋脇從矜恤殘  
黎地方寧輯冬十一月賊復圍寧州鳳翔守西門  
率前鋒出郭戰於馬洲射中渠魁賊不敢近相拒  
七晝夜城卒賴以全崇祀名宦祠

馬光遠

馬光遠漢軍正白旗人康熙十五年任袁州府同  
知兼管三關九圖蔴棚等處時棚寇倡逆屠毒居

民焚燒房屋光遠初入境遇流移數百人悉招回  
安輯之及受任召募鄉勇練習軍器隨大兵征剿  
賊首就擒羣寇悉平復遍閱鄉村搜剔餘黨盡驅  
回籍不許地方容隱凡陷賊百姓力爲拯救生全  
者千百餘人時官兵駐袁米豆供應不敷光遠赴  
省買備軍需捐俸僱百艘親自押運赴袁不勞民  
力仍逐日運送行營支給軍糧民免騷擾袁民婦  
女多被虜掠復捐俸贖回給還本家事平後安輯

強兵不得毀壞民房逐日巡查通行營伍民居賴  
以保全歲饑貸米散賑煮粥全活甚衆勸課農桑  
清理訟獄培養士類優恤軍丁州民無不感恩頌  
德因驅除棚寇溽暑奔馳得疾卒於任民皆哀號  
如失父母崇祀名宦祠

陳運泰

陳運泰漢軍正白旗人康熙十六年由監生知福  
建寧洋縣時逆藩耿精忠已降海寇未靖

王師雲集運泰爲民籌畫寬省徭役閭閻賴以蘇息明年山寇蜂擁攻城運泰親率家丁鄉壯擊走之民人咸得無害感念其德崇祀名宦祠

裴振李

裴振李漢軍正白旗人康熙十七年任陽山縣知縣時當逆藩吳三桂叛亂賊兵蹂躪城市荒蕪振李捐俸重建學宮設立東西義館延師教習文武生童咸感激向學縣城之南沿河居民稠集屢遭

大水衝決振李爲築堤堵障士民賴以安居流亡未復業者加意撫綏催科不急而民皆感奮輸將恐後二十一年在任病故士民愛戴不忘崇祠本

縣名宦祠

楊聲遠

楊聲遠漢軍正白旗人康熙十九年任袁州府軍捕廳每逢朔望率屬宣講

聖諭十六條無間寒暑字分句解使愚民皆能通曉風俗

不變每季課士品題甲乙多士奮興設立保甲稽  
察匪類萑苻絕跡僉選運丁既公且慎不使互混  
累民每聽訟必審酌情理判斷是非不事刑罰而  
爭端冰釋袁屬自甲寅兵燹之後田地多荒蕪聲  
遠設法招徠捐給牛種漸次復業二十二年陞任  
民懷其德崇祀本府名宦祠

滕天御

滕天御漢軍正白旗人康熙十九年由監生任長

沙府善化縣知縣時吳逆賊兵甫退民苦瘡痍天  
御操守清謹加意撫綏滇黔軍需多由長沙轉運  
天御度其緩急以應不使累民又謙以禮士獄無  
留案二十二年卒於官民思其德崇祀名宦祠同  
旗有孫調鼎者康熙二十一年由監生任四川夾  
江縣知縣政平訟理治績稱最亦崇祀名宦祠

董學詩

董學詩漢軍正白旗人康熙二十六年知山西懷



仁縣留心政事革重耗之弊免行戶派累立義倉以備賑濟安巷柵以清盜源修學宮置犧牲齋戒亭設立義學造就生童置堂簿謹生員出入士風丕變二十八年大饑粟價騰貴勸諭富民設法賑救民無流離者蒞任三載去後民思其德崇祀名

宦祠

劉民瞻

劉民瞻漢軍正白旗人康熙二十八年知山西沁

州值歲荒設法賑救全活無算陞平陽府同知累陞至直隸正定府知府并著賢聲後崇祀沁州名宦祠同旗有董綿祚者康熙二十九年由廕生在湖廣竹山縣知縣修文廟設義學除浮賦多行善政以疾卒於官遠近感泣勒石紀德并崇祀名宦祠

羅文現

羅文現漢軍正白旗人世居奉天廣寧由廕生通

籍累任外吏康熙三十五年陞分巡汝南道督飭  
州縣設立公所朔望宣講

聖諭革除府州縣雜派差徭捐俸修葺子貢祠間以其暇  
備飲饌集諸生課文藝信陽州五十餘年無貢士  
應禮部試文現建奎星樓於學宮之左是年卽有  
登科者又備給牛種招民開墾荒地飭州縣嚴查  
保甲盜息民安聽訟詳慎鋤強除暴每於冬月捐  
俸施粥以恤饑民野無餓殍至今稱賢監司後崇

祀名宦祠

遲維城

遲維城漢軍正白旗人康熙三十六年任福建福  
州府知府剛決善斷閩俗尙鬼多淫祠每歲春秋  
之交寒暑間作蒸成疫氣愚民傳爲瘟神五帝降  
罰行災妄以端陽日爲五帝誕辰巫覡煽惑沿戶  
科歛於所在妖官行香設宴謂之獻壽有疾之家  
不延醫服藥糊舟建譙謂之所禱鳴金擂鼓晝夜

喧闐四民皆荒本業奔走若狂甚至市價騰踴資  
產耗竭又有所謂齊天大聖九使等廟維城痛懲  
其弊力請大吏禁止又親率民壯撲其像拆毀淫  
祠百十餘所陋俗始革而癘疫亦稀又詳分派八  
府公捐省獄囚米并給醫藥茶湯獄無痼斃安插  
各省流犯聽其謀生免累土著供給又捕奸匠製  
造假銀者除勢豪總行霸利立救火之法嚴禁匪  
類乘火搶奪善政甚多以勞卒官士民思之公請

奉其神主與前明知府唐珣同祀於西湖書院後  
復崇祀名宦祠同旗有王帝臣者康熙三十六年  
任四川納溪縣知縣署瀘州知州纂修州志川省  
屢經兵燹文獻無徵帝臣殫心搜括集成一書士  
民德之去任後崇祀名宦祠

### 金培生

金培生漢軍正白旗人由中書陞部曹外轉鶴慶  
府知府丁艱服闋補鳳翔府知府康熙四十年陞

分守潼商道振肅紀綱聽訟明決勤於公務案無積牘先是三十年大荒楚淮協濟陝西稻米屯積長安草灘年久陳朽督撫令潼關兵丁支領培生據實詳報稻米腐爛不堪給食請另行給發士卒歡呼頌德歲旱禱雨甘霖立沛講釋

聖諭崇重儒學修理城池四十二年

聖祖仁皇帝西巡培生辦事明敏

御賜五言詩一章四十四年陞福建按察司老幼扳轅臥

轍刻石記其政績尋轉布政司內陞京堂未及還

京卒於藩署後崇祀陝西名宦同旗有常名揚者康

熙四十年任江南布使司朔望勤宣

聖諭訓飭士子州縣徵解錢糧隨到隨收無稽留之累居

心愷惻鞭扑不妄加所屬有舉節孝者即詳請

題旌未合例者給匾獎之六十年士民公請祀名宦

祠

沈光榮

沈光榮漢軍正白旗人由歲貢考授七品筆帖式  
康熙四十年二月外任河南河內縣知縣在任朔  
望勤宣

上諭諄切開導初二十六日單騎閱郊野集在鄉士民亦  
逐一宣揚寒暑不輟修葺學宮及名宦鄉賢各祠  
製樂器教樂舞生童慎重祀典催科以撫字爲先  
不專務敲撲每逢比較設備花紅盒酒飭令未完  
糧里長與完足分數里長跪而酌酒簪花披紅鼓

吹導出大門滅火耗革雜派口碑載道有親生父  
母之頌有萬北里錢糧完納分數寥寥詢知其地  
名李家窪所墾鹵地十數頃每年籽粒餬口不繼  
錢糧無所出居民日就逃亡卽單騎踏勘招回逃  
民捐給牛種審度地勢別引溝渠開種稻田又將  
李家窪改名藏富村今家給人足每年錢糧限內  
全完又以衙胥多需索窮民一切詞訟令原告自  
拘隨到隨審有不得已公事必差遣胥役者按日

欽定八旗通志 卷二百三十一  
捐給制錢不許取民一飲一食公事役民必厚給  
僱值驛馬草豆照市平價不累行戶每年春夏青  
黃不接之時百姓艱食必詳請出陳易新以濟其  
乏不時親詣厥房嚴飭倉書斗級勿得任手高下  
多取累民他如施藥餌施棺暑茶冬衣歲以爲常  
在任三載始終不衰去任後士民思之崇祀名宦

祠

遲維坤

遲維坤漢軍正白旗人任聊城縣知縣每月三八  
日約諸生課文擇文行兼優者敬禮之賞賚有差  
士爭濯磨科名日盛每歲三七月親詣田間遍閱  
隴畝見田禾茂盛者給酒食示勸荒蕪者薄懲之  
民爭力田野無游惰查閱糧冊積年逋欠各八百  
兩詢其由來知爲蠹書飛洒虛糧並無田戶承納  
每年累及無辜代賠遂親赴省會白督撫以出首  
荒地補其虧空悉爲改正民不受累往時聊城有

書手滾排之害臨清有挑夫滾排之害維坤具文  
申請每畝出錢二文僱夫應差上司是之飭各州  
縣俱奉爲準則逃人嚴禁居停者多傾家兩隣及  
地方人等亦受害株連維坤張示諭民凡逃人到  
日窩主出首者免罪自捐俸土解若係假逃立斃  
杖下於是逃人不敢入境聊城四方人民雜處多  
盜賊維坤凡有所獲按以定法知捕役招賊害民  
杖殺其尤者一人由是盜賊斂跡徵收錢糧令民

自封投櫃不設銀匠不拿短欠有蠹書盜封者重  
責枷示人心快服凡有呈告不受請託賄賂片言  
拏獄民自無冤其勢豪土棍把持縣事及胥吏唆  
官罔上行私者維坤悉繩以法無少貸聊邑舊例  
凡衙門興作各行夫役不領工錢維坤革其弊一  
切匠役晝則給飯晚發現錢又官府所用器物向  
皆取之行戶子值僅十之三四衙蠹復中飽鬻者  
所得無幾維坤悉照市價頒發工商俱感其德康

熙四十七年崇祀名宦祠

卞之釗

卞之釗漢軍正白旗人康熙四十七年任浙江諸暨縣知縣邑漕糧多積逋之釗為設法墊解以舒民力五十一年歲歉捐俸市米多設粥廠賑濟所全活甚眾民戴其德崇祀名宦同旗有劉家樞字梅臣者康熙四十七年任福建尤溪縣知縣邑經兵燹多逃亡田荒糧存累及他人者悉為開豁又

創立書院捐俸置膳田多購書以資誦讀民食其惠去任後亦崇祀名宦祠

余三汲

余三汲漢軍正白旗人初任湖廣黃州府同知持廉秉公百務具舉陞本府知府未浹月改武昌知府時軍興旁午三汲才能肆應事集而民不病尋陞本省驛鹽道又陞山東按察使廣東布政使卒崇祀湖廣名宦祠同旗有蔡琦者田部曹外轉江南



驛鹽道正已率屬不通餽遺不受請託署理蘇松糧道定官收官兌之制禁加耗絕侵尅軍民便之

康熙六十一年崇祀江寧名宦祠

白璧琛

白璧琛漢軍正白旗人由廕生任刑部員外郎陞福建延津僉事道再陞江西督糧叅議道以卓異授廣東南韶道到任後澄清吏治禁科派簡徭役輯江灣盜賊安西山獠獠望親率僚屬及紳士

耆民詣清平墟市宣講

聖諭詳復詳明童叟咸知感激向善捐俸修葺學宮崇重

文教季有考月有課凡品行端方學問淵深之士

必加意陶成恩禮優渥一時人文蔚起多士奮興

其餘修城垣減雜耗善政不可悉舉康熙六十二

年崇祀名宦祠同旗有余三奇字秀臣者在湖廣

攸縣知縣均賦息訟建竹林書院集士課文士民

戴德亦崇祀名宦祠

張素仁

張素仁漢軍正白旗人任浙江海鹽縣知縣時值軍興供億甚煩素仁調度有方纖毫不擾在任十年賑恤荒歉革除陋規獎拔孤寒振興文教士民咸德之崇祀本縣名宦祠同旗有于文燦者由歲貢任湖廣桃源縣知縣才識敏練操守廉潔清丈田畝闔邑共稱均平在任八載以才能擢守漢中府桃源人思其德公請崇祀名宦祠

以上二十九人並舊志所

載

張國輔

張國輔漢軍正白旗人由官學生任汜水縣知縣康熙三十三年正月蒞任明決果斷鋤強扶弱剔弊釐奸豪暴無不斂跡建議學置義田振興文教勤於訓士數十年來科目聞寂國輔精青烏家學於卧龍山重建魁星伏蛟山建文峯翠屏山建筆鋒以鎮之康熙戊子果雋禹生無間自後書升掄

才者蟬聯繼起又革除里長修築城堤遍栽柳榆  
民獲安堵有古良吏風卒於官士民於廣寧書院  
設主祀之乾隆五年崇祀名宦祠

高士鐸

高士鐸漢軍正白旗人康熙三十年任河南桐柏  
縣知縣邑經兵燹土地荒蕪多方招徠給牛種勸  
開墾五年之中民人雲集商賈輻輳又捐修學宮  
雅意作人開鑿池塘以資池利增建倉廩以謀積

貯至今旱澇有備倉貯無缺士民德之秩滿陞中

銜同知乾隆八年崇祀名宦祠

以上二人河南巡撫冊報

漢軍正紅旗外任官

吳執中

吳執中字匪公漢軍正紅旗人原籍浙江山陰

國初始隸旗籍順治四年由貢生授官十二年累任

至福建漳南道僉事時漳州初附海寇逼近民多

逃竄

王師雲集而飛輓不至執中勞徠撫字握算持籌師無  
 饑馬海濱民許茂等持首鼠兩端提督馬得功將  
 盡屠之執中曰小民逼於寇患失身匪類苟善撫  
 之皆吾民也且海澄廈門猶將論其來降况近郊  
 赤子乎得功大悟諸陷賊者聞之皆接踵至未幾  
 海澄納款以功遷山西副使道漳人祀之各宦祠  
 子興祚仕至總督示所各官祠

楊鶴齡

楊鶴齡字三如漢軍正紅旗人順治七年以生員  
 任歸化縣知縣會山寇竊發鶴齡諳韜畧善騎射  
 寇至則披甲先士卒冒矢石指麾防兵擊走之又  
 捐貲贖被掠民婦瘞埋枯骨旋調惠安縣知縣縣  
 民戴之一如歸化焉卒後崇祀名宦祠

黃龍

黃龍字卧菴漢軍正紅旗人康熙元年由兵部武  
 選司郎中授廣西梧州府知府九年陞四川按察

司副使分巡永寧道十年陞江西按察使龍才識  
明敏而性慈祥職司刑名案無留牘獄無淹囚遇  
命盜重案必焚香告天然後出聽事至誠推鞠不  
事嚴刑而真情畢得狡者無所藏其奸焉又嚴飭  
各屬毋濫刑設立循環二簿俾詳列夾訊狀按月  
查覈闔屬遵之嚴寒酷暑優恤重囚於應給囚糧  
外加給日食獄卒凌虐尅減之弊不敢行又振興  
人才觀風課士取列優等者各給銀以資膏火其

最貧乏者有加焉壬子鄉試解額五十七人而經  
其賞識首拔者三十餘人土子會試冬月長途風  
雪衣裝多不備各贈裘價銀六兩土子德之江西  
素有溺女惡習龍特引律例示禁違者治以故殺  
子孫之條風俗一變養女者多以黃姑甦姑名之  
每月朔望親至公所宣講

聖諭勸誠諄切聞者感動在在與同官和衷共濟凡接見  
屬吏詢知地方利弊力爲詳請興革吏民不率教

欽定八旗通志 卷一百三十七  
者亦執法不寬假無不畏威懷德十二年四月以  
事去任還

京士民罷市公懇督撫保留格於例不行爲立碑於  
署前各爲詩誦送行編曰江人淚二十二年八月  
以疾卒三十九年崇祀江西名宦祠

門可法

門可法漢軍正紅旗人康熙三年任福建崇安縣  
縣丞四年署知縣事崇安苦水荒民多積邁可法

力請題蠲無徵荒賦七千二百兩宿累一清民沐  
其澤思之不忘卒後崇祀本縣名宦祠同旗有楊  
允昌者康熙二年舉人五年任陝西乾州知州在  
任政簡刑清輕徭薄賦繕城垣撫流民修學宮振  
文教十二年卒崇祀本州名宦祠

王之紀

王之紀漢軍正紅旗人康熙十三年逆藩耿精忠  
反之紀以筆帖式隨

王師進剿十六年福建平定委知德化縣時海寇未平  
泉郡新復瘡痍滿野之紀簡靜鎮撫不事紛更平  
訟獄省興作民甚便之擢行人司行人去之日士  
民攀轅乞留不得祀之名宦祠

吳延貴

吳延貴字子良漢軍正紅旗人康熙十六年由廕  
生任福建泉州府同知十八年擢漳州府知府海  
寇未靖兵馬雲集流民失業延貴請設站運轉軍

食因以給民巡海道陳啟泰之殉難也其子汝器  
陷賊中延貴重資購歸以軍功加一品服尋擢鹽  
運使去任後閩人祀之名宦祠

朱天爵

朱天爵漢軍正紅旗人康熙十八年由監生知山  
西稷山縣徵收一切地丁錢糧悉令花戶自封投  
櫃滅火耗絕私派驛馬需用草豆向皆派民交辦  
天爵到任後俱發時價購買毫不累民仍立石永

禁會大兵過境人民驚惶天爵設法調停恬然無  
擾日用薪水俱發現價永除行戶名色市廛頌之  
清除幫役遵照經制留用從不濫差擾民又留心  
文教每於公暇傳集諸生討論典籍士子感悅奮  
興禁苞苴社交際人不敢以私事干瀆嚴行保甲  
督捕役巡緝蒞任四年盜賊屏跡鄉城寧謐不濫  
准詞訟間有情重准理或奉上批審事件隨到隨  
訊不令守候曲直立劄闔邑至今食德以卓異內

陞都察院經歷後外轉江西臨江府同知陞山東  
兗州府知府稷山人思其德崇祀名宦祠同旗有  
楊奇烈者康熙二十四年由貴州按察使謫四川  
瀘州知州管收關稅正額外錙銖弗取商民稱廉  
崇祀本州名宦祠

楊奇逢

楊奇逢漢軍正紅旗人康熙二十四年由監生任  
山東滕縣知縣捐俸修理學宮季考月課士風丕



振講約勸善嚴行保甲催徵有方賦無積欠吏罕  
侵漁遇編審親閱人丁優免老幼惠及窮獨歲歉  
施粥濟饑城垣之坍塌者補之詞訟必察情實苞  
苴不行徵收漕糧除淋尖之弊市肆免雜派彭口  
河夫及河工所需柳枝舊俱攤派民間奇逢詳請  
豁免捐貲募夫二百名應役勸民植柳於城壕以  
備用後因與泃河通判滕縣典史等互訐離任民  
人思之奉主祀名宦祠

王永名

王永名漢軍正紅旗人由例監任三水縣知縣康  
熙三十四年初設花縣以永名調補時諸事創起  
鑿山填谷建城立學百務興舉招徠開墾防禦寇  
盜民甚德之卒於任四十一年崇祀本縣名宦祠

劉德芳

劉德芳漢軍正紅旗人由例監任東昌府知府勤  
於政事朔望必親詣公所率僚屬宣講

聖諭積久不解勸課農桑優禮齒德民情向化詳減梨棗  
補蕪四種額稅衆商戴焉康熙五十九年春至四  
月不雨德芳步禱於顓頊廟還至中途甘霖大沛  
四野霑足重新欽定四庫全書本朝宮廟  
文廟及啟聖祠蓋造督學使者考棚設義學三處一在  
學宮一在七賢祠一在東關三義廟延師訓教各  
給膏火費其東關一學路苦泥水甃之以石至今  
便之三十年漳河暴漲遷邱縣受害尤甚買穀分

運各村親往散賑二十二年水決皮家口晝夜督  
修堤成民慶有秋是年植飛蝗入境親詣八蜡廟  
虔禱蝗不爲災府境西南窪下夏秋雨漲水溢爲  
患申詳河道總督開通臨清月河以洩下流又修  
護城河堤增高培濶親行按視務令堅固大堂夾  
道及各監厥更夫舊無工食特按名給銀六兩諸  
所建置皆捐俸爲之不以累民每年徵收錢糧必  
嚴飭州縣革除耗羨令民自封投櫃一切陋規盡

行禁革民樂輸將聽訟質獄平心訊鞫務得其情  
嚴飭保甲盜賊絕跡政事少暇卽集師生論文課  
藝士風丕振四十三年陞四川按察使讞獄平允  
修葺文翁石室爲錦江書院擇民之秀者肄業其  
中課督有方廩餼無闕一時士子翕然向風是時  
打箭爐甫定茶鹽之政壅遏不行德芳禱畫徵收  
歲無停引旣卒民思其德四十五年崇祀四川名  
宦祠山東東昌亦祀之於名宦祠

蘇昌臣

蘇昌臣漢軍正紅旗人康熙三十年由廕生累任  
至江西督糧道洞察江右漕政一切存倉轉販淋  
尖踢斛等弊盡行革除正則之外不加顆粒凡地  
方緊急差徭悉設法捐銀僱覓不擾里民市廛歲  
終催趲漕糧冬兌冬開依限抵通刻期無悞其營  
兵食米按月給發從無愆期兵民俱沾實惠三十  
八年崇祀名宦祠

蘇良嗣

蘇良嗣漢軍正紅旗人任杭州府知府強幹有守  
 骹法者鋤擊之不少貸益民之事悉心興舉杭民  
 懷之勒石湖濱以志不忘康熙三十五年十二月  
 崇祀名宦祠同旗有王毓奇者康熙三十二年任  
 四川瀘州知州革火耗嚴保甲課士撫民催科不  
 擾民安盜息以報最內陞州民思其善政四十七  
 年亦崇祀名宦祠

鮑復昌

鮑復昌漢軍正紅旗人康熙四十三年任懷慶府  
 知府以才能稱每逢朔望宣講

聖諭諄諄開導五年如一日修理學宮捐已貲鳩工毫無  
 擾累建亭立碑恭刻

御製訓飭士子文會課諸生乙酉秋闈列賢書者多至十

三人催科有功

國賦以時完納屬邑皆邀議敘給散孤貧口糧親督

六邑如數分給勸諭喪葬以時勤農桑鑿井備旱  
濬城壕築河堤修理丹沁二水橋梁以便行人減  
定鹽價以培戶口勸減當利以舒貧困凡先賢祠  
宇壇廟及沿途墩臺隘口柵欄并加葺治地方肅  
然加意撫卹貧民施棉衣施粥施藥餌棺槨六邑  
被澤康熙四十八年正月卒於官士民德之崇祀  
名宦其弟名復泰者亦有綜練才由廕生任台州  
府知府當兵燹後力謀生聚瘡痍頓起民賴以安

亦崇祀本府名宦祠

臧憲祖

臧憲祖漢軍正紅旗人康熙四十五年任嘉興府  
知府甫下車值歲旱勸諭富民無得閉糴又委官  
泛舟外郡市米平糶貧不能自食者發倉設粥廡  
賑之旁及湖郡饑民亦賴以活後以疾卒於官生  
平廉潔自矢卒之日囊橐蕭然士民哀之祀於名  
宦祠同旗有楊應魁者任分巡台州道布政司叅

議時海寇叛擾大兵雲集台州應魁殫力措拄又安百姓以勞卒於官士民奉其主入名宦祠祀之

門可榮

門可榮字維光漢軍正紅旗人以恩廕授山東曹縣知縣下車剔除弊竇輸納錢糧皆令民自封投櫃嚴革火耗雜派裁白夫陋規銀數百兩官俸役食如額給領行稅盡行革除明於聽訟事無株連集鎮鄉村終年不見差擾一薪一粒皆足價發買

邑歲苦河患蒞任之明年河南徙數里百年淪陷之地一朝變爲桑田春雨雹多在城郭空地不甚傷禾旣秋飛蝗蔽野皆穿田覓草食之有嘉穀一莖五穗者先是虎患甚多至是有四虎出境他徙人稱濟陰五奇曰雹不傷禾蝗不害稼虎不入境黃河遠徙穀莖五穗云後崇祀名宦祠

以上二十人並舊志

所載

董宏毅

董宏毅奉天正紅旗人康熙十六年任江西奉新縣知縣時新昌賊大至逼及縣城誓以孤身破賊隨任一子不暇顧家人携抱走匿親自督兵率戰手斬一人餘黨搜殺畧盡賊失內應皆驚沮宏毅率民兵出戰發一矢先斃偽左將軍一人生擒六人斬首無算餘賊悉奔城賴以完又知山寇蔓延勢將復至捐募義勇親授陣法爲戰守計賊萬餘踞邑城北獅山砲石雨下宏毅親率守兵殲其前

鋒賊潰走乃呈稟分巡道李世昌領兵會剿身爲前驅遇賊礮下搗其巢穴賊積憤怒環攻城邑大兵屯聚省會宏毅飛請協剿挺身先導與賊遇於邑之棉花池斬馘無遺賊悉平寇亂之後地方凋敝田皆荒蕪積逋纍纍請蠲卹錢糧得邀豁免百姓爲之頓蘇以後漸興學校按季課藝士習一新去任之日士民號泣聲震數十里繪董公殺賊圖以獻官累陞至都察院左副都御史卒乾隆二十

一年崇祀名宦祠 以上一人江  
西巡撫冊報

...

...

...

...

...

...

欽定八旗通志卷二百二十七





